



**BOSNA I HERCEGOVINA  
PARLAMENTARNA SKUPŠTINA  
BOSNE I HERCEGOVINE  
PREDSTAVNIČKI DOM**

**Komisija za promet i komunikacije**

Broj:01/6- 011-479/02  
Sarajevo,28.05.2002.god.

**ZAPISNIK**

sa 5. sjednice Komisije za promet i komunikacije  
Predstavničkog doma održane 28. maja .2002.god.

Sjednica je održana u zgradi institucija Bosne i Hercegovine,Trg BiH br.1. sa početkom u 12,00 sati.

Sjednici su prisustvovali njeni sljedeći članovi :

- 1.Ivo Lozančić
- 2.Halil Mehtić
- 3.Dragi Stanimirović
- 4.Željko Mirjanić
- 5.Abdurahman Malkić

Sjednici nisu prisustvovali članovi : Miro Grabovac-Titan,Mustafa Cuplov,Damir Mašić i Miloš Jovanović.

Sjednici je u prisustvovala Muhamed Begović u svojstvu jednog od predlagača zakona,pored Abdurahmana Malkića.

Sjednicom je predsjedavao Ivo Lozančić, predsjedavajući Komisije za promet i komunikacije. Za sjednicu je predložen sljedeći

**DNEVNI RED :**

- 1.Verifikacija zapisnika sa 4. sjednice Komisije za promet i komunikacije .
- 2.Razmatranje :
  - Prijedloga zakona o unutrašnjoj i pomorskoj plovidbi ,
  - Prijedloga zakona o državnim cestama u BiH,
  - Prijedloga zakona o pošti,
  - Prijedloga zakona o ugovorima i prevozu u cestovnom prometu,
  - Prijedloga zakona o međudržavnim i međuentitetskim komunikacijama,
  - Prijedloga zakona o osnovama sigurnosti prometa na putevima.

Prije prelaska na razmatranje predloženih tačaka dnevnog reda predlagač zakona Abdurahman Malkić je predložio da se predmetni zakoni pod tač.2. razmatraju shodno redosljedu kako ih je predložio, jer je pri tome vođeno računa o značaju i prioritetima pojedinih zakona i to kako slijedi:

- Prijedlog zakona o međudržavnim i međuentitetskim komunikacijama,
- Prijedlog zakona o ugovorima i prevozu u cestovnom prometu,
- Prijedlog zakona o državnim cestama u BiH,
- Prijedlog zakona o osnovama sigurnosti prometa na putevima.
- Prijedlog zakona o unutrašnjoj i pomorskoj plovidbi ,
- Prijedlog zakona o pošti.

Navedeni prijedlog ,kao i dnevni red u cjelini sa utvrđenom izmjenom članovi komisije su jednoglasno usvojili.

**Ad.1.**

Obzirom da na dostavljeni zapisnik sa 4.sjednice Komisije nije bilo primjedbi , zapisnik je jednoglasno usvojen.

**Ad.2.**

Predsjedavajući je otvorio raspravu po drugoj tački dnevnog reda ,počevši od prijedloga Zakona o međudržavnim i međuentitetskim komunikacijama,te informisao članove da je Ustavno-pravna komisija dostavila Mišljenje kojim nije utvrđeno postojanje ustavno-pravnog osnova za donošenje predmetnih zakona.

U raspravu su se potom uključili Abdurahman Malkić i Muhamed Begović kao predlagači zakona, istaknuvši da postoji ustavno-pravni osnov za donošenje istih,kao i potreba postojanja zakonske regulative u ovoj oblasti na nivou države BiH s obzirom na ućlanjenje u Vijeće Evrope.

U diskusiji su još učestvovali Željko Mirjanić i Dragi Stanimirović. Pored isticanja, od strane prvonavedenog učesnika , formalnog nedostatka koji se ogleda u nepostojanju ustavno-pravnog osnova po mišljenju Ustavno-pravne komisije, ponovo je naglašena potreba za prisustvom predstavnika Vijeća ministara BiH odn.nadležnog resornog Ministarstva radi dobijanja relevantnih informacija u vezi sa predloženim zakonima i koordinirajućoj funkciji koju ima Vijeće ministara u oblasti donošenja zakona.

Nakon završetka rasprave predsjedavajući je na osnovu prijedloga članova formulisao zaključak da se prekine 5.sjednica Komisije i u roku od 15 dana organizuje sastanak sa predstavnicima Vijeća ministara BiH odn.resornog Ministarstva kao mogućeg predlagača ovih zakona u kome bi isti mogli iznijeti svoje stavove o predloženim zakonima ,informisati članove Komisije i predlagače u kojoj su fazi izrade predmetni zakoni kod njih,te u saradnji sa predlagačima i članovima Komisije eventualno usaglasiti i uputiti takve zakone u parlamentarnu proceduru.

Navedeni prijedlog zaključka je jednoglasno usvojen.

Sjednica je završila sa radom u 12,45 sati.

SEKRETAR KOMISIJE :

Branka Todorović

PREDSEDAVAJUĆI KOMISIJE:

Ivo Lozančić